



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-3581-30/19 RA
Sarajevo, 25.03.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Mirza Čelik

Zastupnik u Skupštini Kantona Sarajevo, Mirza Čelik, na Petoj Radnoj sjednici Skupštine Kantona Sarajevo, održanoj dana 27.02.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je inicijativu (zaprimljena u Ministarstvu 12.03.2019. godine), kako slijedi:

"Pokrećem inicijativu prema Ministarstvu prostornog uređenja, građenja i zaštite okoliša da iznađe sredstva u iznosu od 250.000 KM za utopljavanje objekta JU Treća osnovna škola Ilidža u cilju povećanje energetske efikasnosti objekta.

OBRAZLOŽENJE

U proteklom periodu u JU Treća osnovna škola nije imala mogućnosti značajnih investiranja u objekat škole zbog velike potrošnje električne energije i energenata za grijanje usljed loše termo izolacije. Ova sredstva bi mogli usmjeriti na druge projekte u školi kako bi učenicima omogućili adekvatne uslove za rad u učionicama."

ODGOVOR:

Ovo Ministarstvo, u skladu sa raspoloživim sredstvima (pri čemu prvenstveno mislimo na namjenska okolišna sredstva) u Budžetu Kantona Sarajevo za 2019. godinu, već je napravilo spisak javnih objekata za koje će se u saradnji sa UNDP-ijem u narednom periodu izvršiti potpuna energetska sanacija. Inače, provođenje mjera povećanja energetske efikasnosti na javnim objektima u Kantonu Sarajevo realizuje se od 2015. godine u okviru Projekta "Zeleni ekonomski razvoj", kojim je do danas obuhvaćen ukupno 21 javni objekat (iz sektora zdravstva, obrazovanja, kulture, unutrašnjih poslova, te rada i socijalne politike). Pored ovog Ministarstva, sredstva su obezbijedili kako partner UNDP-i (grant), tako i ostala resorna kantonalna ministarstva, menadžment javnih objekata, te općine na čijim se teritorijama nalaze javni objekti.

Podsjećamo, da je Vlada Kantona Sarajevo 2018. godine donijela Akcioni plan energetske efikasnosti u javnim objektima Kantona ("Službene novine Kantona Sarajevo", br. 13/18 i 21/18), na



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



period od tri godine, odnosno do donošenja jedinstvenog Plana energetske efikasnosti na području Kantona Sarajevo, utvrđenog Zakonom o energetske efikasnosti u Federaciji BiH, a za čiju je pripremu nadležno Ministarstvo privrede.

U izradi Akcionog plana učestvovalo je i Ministarstvo za obrazovanje, nauku i mlade Kantona Sarajevo, te je uloga pomenutog resora bila ključna kod predlaganja prioriternih javnih objekata iz svoje nadležnosti. Inače, kod izbora objekata uzete su u obzir sve relevantne karakteristike istih, osigurana zastupljenost sektora, kao i smanjenje zagađenja zraka na mikrolokacijama, finansijska opravdanost, broj zaposlenika i korisnika, tip energenta, uštede u energiji i emisiji CO₂, doprinos ispunjenju ciljeva i dr. Inače, javni objekti za koje je izvršena ili je u toku energetska sanacija u 2018. godini odabrani su iz pomenutog dokumenta, što će biti slučaj i u 2019. godini.

Ovim putem naglašavamo, da se objekat JU Treća osnovna škola ne nalazi na spisku 36 javnih objekata iz Akcionog plana. Stoga smo mišljenja da je potrebno, uz aktivan angažman i koordinaciju resornog Ministarstva obrazovanja i našeg Ministarstva, pokušati iznaći sredstva iz drugih izvora, te na taj način i pozitivno odgovoriti na upućenu inicijativu. U kontekstu prethodno navedenog, otpočele su aktivnosti na dobijanju kredita od Evropske banke za obnovu i razvoj (EBRD) za projekte energetske efikasnosti javnih objekata, te je sačinjena preliminarna lista javnih objekata u kojoj je, na zahtjev ovog Ministarstva, uvršten i objekat JU Treća osnovna škola Ilidža. Ukoliko kredit bude odobren, planirano je da se u 2020. godini otpočne sa radovima na energetske sanaciji velikog broja javnih objekata u Kantonu.

S poštovanjem,



Damir Filipović, MA prava

Dostaviti:

- ☉ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

